


固始水利紀實




戊午夏月

固始水利紀實

建
國
紀
實

秦駿聲署



西門惠績

田文烈題



蕪水金鑑

部民秦樹聲

敬書



因義之所利而
利之
合肥王揖唐


有益民生
之作

武寧李國珍題


開百里之利源洵萬家
之生佛楊公偉績於
茲再見

曾述榮



河渠洵縷
析桑分有利
農田洵非淺
鮮

安陽張鳳臺題



不在禹下

王印川題



和澤山

天

陶炯照用澤山

碑字題



大者披瀝一過脈絡分
明規制完善殫精
民事無愧循良佩服
弟濟有

蔣屬蒙庥

閻枚謹題



仁言利溥

閩侯陳震



今之名杜

武進陶瑛題



功參史白

周祚章



水經有注河渠有書出為
良吏靈驗通儒杞地之宜
因民之利盡力溝洫續禹
舊勳旱不為雲水不為裁
仁人之言其利溥哉

山左郝允賢跋



固始水利紀實序一

固始之爲邑在豫號沃衍其致此無他途由於水利興修而務農者常得中稔楚相遺規固無得而言矣而前邑侯楊公汝楫之所經營則小民利賴之至今凡入固始境者一語及楊公其民無老幼智愚莫不同聲一詞曰非公吾儕曷有今日信哉賢者之流澤孔長也桂君玉壺宰固始去楊公數百年矣雖昔賢規畫大體具存而移步換形固有待於後人者于是本楊公之意一一釐訂之其著於編者自挖河築壩徵夫收草使水首尾完具燦然皆有條理可循桂君之用心也密矣治事也精矣余既訖其書而深有念焉中國號古農國然所謂農者一唯天時之是賴薄有旱潦則束手而無策蓋古之爲井田也夫之十者有溝百者洫千者澮萬者川旱則藉以溉而自澮之洫自澮之澮自澮之川潦亦得以洩如人之一身血脈周流貫輸於中且夕不休循環吐納故無枯竭債張之患自禹治水後以迄於周河不爲害者皆賴井田以輔之也井田廢數千年來治水者恆無上策但得中下策而已足以高世矣余生長於吳吳水鄉也故余於水利頗究心焉及來汴佐幕開豫受水害者多食其利者寡每每爲大

固始水利紀實

序言

一

府言之且舉吾鄉人徐受之先生作令上蔡鎮平時所興水利以爲證謂水者洪範著之五行之首天固以之嘉惠羣萌非將腊之毒也視人之爲不爲耳迨權禹州牧則小試疏導而輒有效惜爲日淺所欲爲禹民計者未得十一傳也今茲復底此邦所筦局於財政而夙志終未能忘爰以契稅附加百分之二十爲地方水利用款聊以罄吾之心而不忍斯民長此呼天望歲之惶惶不可終日也桂君之爲此誠有先得我心者矣且今日方爲導淮之舉淮源於豫經皖而之蘇吳尾閘皖甸腹豫顛頂也未暇治吳而先治皖固病吳然不先治豫而治皖匪惟病吳亦且病皖然則豫之水固宜亟治矣故因桂君之書而並及之

民國八年一月下澣吳縣蔣懋熙序

固始水利紀實序二

余從事大中華地理志載筆於江蘇之江北安徽之淮北日擊四野鴻嗷之慘悲神禹不作河道未講內子固始祝宗梁聞其故鄉父老言邑侯桂公能興水利蓼民安之但糟糠之婦逾嶺出塞二十年未歸雖聞父母官之賢竟莫能舉其名茲以編印大中華江西省地理志寄廬南昌書成卽擬赴鄂因錫兒初生



尙未彌月遂小住於此江西賢士大夫無不願與傳甲縱談國事以地方爲根本農業學校亦延傳甲講江浙水利惜乎身至其地未有新得但證實大禹盡力溝洫而已中原水利漸不如東南適貴溪桂玉壺知事自河南歸乃有固始水利紀實之作卽老妻平曰稱述之桂侯何幸於逆旅中邂逅焉天欲大中華河南省地理志之成功乃得因良友爲先導乎內子乃歌以贈桂侯曰父母之邦父母孔邇美哉禹功導此蓼水亦可謂老嫗解詩可留作中州掌故也大中華民國八年一月閩侯林傳甲序於南昌射圃亭

固始水利紀實序三

自來民生之休戚視農業農業之興廢在水利後世溝渠失政水利弗講旱潦聽諸天豐歉委諸歲民生疾苦不可勝書顧亭林云吾觀郡國之情狀恆以水利爲權衡蓋中國以農立國農田水利較工商爲尤要桂君玉壺治蓼兩載凡夫教育實業以及保衛訟獄諸大端無不悉心整理勵精圖治而於水利之興修尤亟亟焉時余寄籬於蓼曾歷觀其境內清曲堪謝以及急流羊行板滄白露諸河流開壩井然有條不紊綠雲蔽野農產豐盈蓼人士有口皆碑謂爲楊

固始水利紀實

序言

一一

公第二信非虛也厥後服務大梁迺得所著固始水利紀實亟披讀之知其片語隻字悉從實心實政中來非泛泛官文書可比爰贅數語附於篇次以誌景仰云爾民國戊午仲冬月盤谷劉萱序于河南政俗通報社

固始水利紀實自序

余治固凡二十有一月毫無善政可述惟茲水利一事爲國計民生之根本夙夜籌維無敢或怠幸賴諸紳贊助以底於成閱時二載所有境內東西兩大河流如清曲堪謝以及急流羊行板滄白露諸河渠開壩溝堰均經疏濬無滯有利農田余雖問心勿怍然究其經營一切手續闕而未詳後之人欲踵而行之或不免有遺憾遂與吳紳之縉商酌彙萃成篇以公諸世比因瓜代期迫未及付梓旋調菊潭固人士馳書函問絡繹不絕促其出版余懼斯作不足矜式貽笑大方勿敢冒昧乃以質問者頻頻不得不勉付剞劂以與邦人君子共商權焉是爲序民國七年季夏月薊溪桂林識於沐梁

凡例

一本書河渠溝洫均經各該區紳董實地調查更正名稱期無舛誤

一本書善後辦法曾經召集各該壩紳董公同妥議是由縣署備案核准施行務期于民不擾於事有濟

一本書各該開壩情形係就經過事實而言如後有變更之處得由水利工程所(按水利機關原有清河龍潭五壩水利局嗣經擴充故為固始全縣水利分局應以河

全省水利委員會章程各縣無此名稱應改為固始縣水利工程所以符定章特

聲明按照法令詳列現狀呈由縣知事酌量施行

一本書記載古今并列俾後之經管水利者得以考其源流詳其變遷以資熟悉


一本書一切文件俱經上憲批准有案可稽各該壩人民得以互相遵守

一本書編成閱時二載筆削數次且曾經當代名家評閱其校訂圖繪一切尤得力於吳紳之縉茲特表誌之以著吳君之盡勞焉

一本書倉卒付印不免有魚亥之處務乞閱者原諒有所匡正是為至幸

固始水利紀實

凡例



固始水利紀實目錄

第一編 總論

第一章 固始水利之興廢及其整理

全境渠水利總圖

重修固始全縣水利碑記

固始縣水利工程所簡章

固始縣挑河築壩臨時簡章

固始全縣水利善後章程

固始縣保護河渠辦法

謝公聘水利條議

傅公壽形整頓河壩條規

東五壩水利限期

西四壩水利限期

固始水利紀實

目錄

清河各開壩田畝

第二編 史河

第一章 清河水利

清河龍潭五壩全圖

清河龍潭五壩章程

欄河檢槽壩章程

第二章 謝家河水利

謝家河壩圖

謝家河壩章程

第三章 堪河水利

堪河各壩全圖

堪河各壩章程

第三編 曲河

第一章 上曲河水利

上曲河四壩圖

上曲河四壩章程

第二章 下曲河水利

下曲河五壩圖

下曲河五壩圖章程

第三章 會邱湖水利

會邱湖水利章程

第四章 十二串子堰水利

十二串子堰全圖

十二串子堰上六堰章程

十二串子堰下五堰章程

第四編 子安河水利

固始水利紀實 目錄

二

子安河葫蘆潭壩圖

子安河六壩章程

第五編 板滄河水利

孫家橋壩圖

孫家橋章程

第六編 急流羊行河水利

急流羊行河全圖

李家壩圖

李家壩章程

孤堆壩圖

孤堆壩章程

沙家壩圖

沙家壩章程

古城壩圖

古城壩章程

第七編 白露河水利

白露河各壩全圖

白露河各壩章程

第八編 柳溝水利

柳溝全圖

第九編 四鄉土壩

第一章 東鄉土壩

泉河攔河沿城澗草溝河紫河岳河各壩全圖

第二章 南鄉土壩

石槽河赤土坎壩圖

第三章 西鄉土壩

固始水利紀實 目錄

三

金鐘湖圖

第四章 北鄉土壩

第十編 水利餘論

導淮略說

固潁淮河流域圖

種柏引言

第十一編 水利公牘

詳報河南巡按使遵飭查明境內河渠溝洫。并檢清河壩圖說。暨水利章程簡章程請鑒核由。附奉發批詞

詳報河南巡按使遵將縣境已修河渠情形。開摺呈請鑒核由。附奉發批詞


詳報河南巡按使。案據縣紳張仁勳等稟請修築上曲河金龍壩情形。并開工日期。

檢同照片。呈請鑒核由。附奉發批詞

詳報河南巡按使。重修會邱湖陰隴。開工日期。呈請查核由。附奉發批詞

詳請河南巡按使。修竣清河下曲河等河渠壩堰。請鑒核委員驗收由。附奉發批詞。
詳請河南巡按使。奉委驗收固始縣修竣河渠壩堰各情形。開摺繪圖。呈請鑒核由。
附奉發批詞

詳請河南巡按使。修濟史河等十三處出力紳董。開摺呈請鑒核給獎由。附奉發批詞。
呈報河南省長。上曲河石閘石圳。業經修築完竣。呈請鑒核。由。附奉發指令。
呈請河南省長。修竣會邱湖陰隴情形。請鑒核委員驗收由。附奉發指令。
會呈河南省長。奉委驗收固始縣上曲河。閘圳會邱湖陰隴工程由。附奉發指令。



固始水利紀實

薊溪桂 林玉壺撰述

第一編 總論

第一章 固始水利之興廢及其整理

固始河道最多。其發源皆出自南條諸山。行於縣之東者。五曰史河。泉河。石槽。急流。羊行等河。是行於縣之西者。三曰曲河。春河。白鷺河。是蜿蜒曲折。或注或分。俱至縣東北三河尖。同匯於淮。惟固始山河陡峻。易盈易涸。雨暘稍有愆期。卽斯饑致。嘆自楚相孫叔敖築陂濬泉。肇興水利。民食其惠。歷久跡湮。水利不可復得。清康熙間。前政楊公汝楫。詳稽舊址。相度經營。水利復興。歷時既久。弊竇叢生。水利變爲水害。乙卯春。余蒞任斯土。與其利。除其弊。廢者修之。缺者補之。基址猶存者。照章而整頓之。淤塞已久者。集工而疏通之。閱時二載。始復舊規。茲繪具全境河渠水利總圖。及其碑記詳章於左。以資參考之一助。

(一) 全境河渠水利總圖

(二) 重修固始全縣水利碑記

嘗思民爲邦本。食爲民天。農田爲民食之淵泉。水利爲農田之命脈。其間盈虛消長。盛衰存

固始水利紀實

總論

一

亡均於民生有至大之關係焉。是故古今中外。賢良代作。未有不汲汲於民生主義。而能長治久安者也。清有循吏楊公汝楫。來牧茲土。慨然以民生爲己任。仿楚相孫叔敖之遺規。造寢邱。億萬民之樂利。開通淤塞。設閘築壩。啓閉以時。灌溉有序。爲後世法。爲萬民賴。奈世遠年湮。河淤壩廢。僅存清河下曲河。有名無實。賣夫賣草。弊端百出。以古人流風善政。乃至湮沒無存。不誠痛可惜耶。余乙卯春攝篆固邑。正值刀兵之後。繼以凶年。哀鴻遍野。民不聊生。心焉憫之。乃於籌賑之餘。詢及父老。僉以救旱良法。莫外興修水利。適

巡按使憲田公文烈。關心民瘼。諄諄以水利爲念。通飭各縣。興辦水利。籌設水利工程所。余於是命吳紳之縉爲水利工程所長。張紳世鐸。祝紳彭年。副焉。安定規程。革除積弊。遴選熟悉水道。或水利工程人員。爲各河壩巡視員。以重職守。而專責成。閱時二載。始獲戩事。除民力不計外。計由公家共籌經費四千餘緡。飭交水利工程所長。督同各河壩巡視員。先將東鄉清河龍潭五壩。挑挖疏通。一面興修下曲河五壩暨千工堰等處。均於去冬一律告成。上曲河壩係屬西鄉一大幹支。廢弛亦久。經該鄉紳董。先後呈請興修。而又得柴紳廷淦之贊助。亦已挑挖完竣。流暢如常。并建石閘六道。以垂久遠。其餘如羊行河。急流。澗板。滄河。子